

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

**Naalakkersuisunut apeqquut:**

1. Namminersorlutik Oqartussat inissiaataasa ingerlannerannut Namminersorlutik Oqartussat A/S INI-mut ukiumut tapiissuteqartarpaat/ aningaasartuuteqartarpaat ? taamaassimappat qanoq amerlatigisunik
2. Namminersorlutik Oqartussat inissiaataanniit A/S INI-miit aningaasat isertinneqartut ukiumi naatsorsuiffimmi kingullermi qanoq amerlatigippat
3. Inissianut attartortikkannanut aserfallatsaaliinermut aningaasat qanoq amerlatigisut atorineqartarpat
4. Namminersorlutik Oqartussat inissiaataanni attartortut qanoq oqartussaaqataatinneqarpat ? qanorlu oqartussaaqataanissamut periarfissaqarpat ?
5. Ilumoorpaa inissiat peqqinnissaqarfimmut immikkut aalajangersimasunut sulisunut inissiatut attartortinneqartut ukiut arfineq marluk qaangiunneranni naliginnaasutut inissiatut attartorneqalersinnaanngitsooq
6. A/S INI-ip ingerlatsinerata kommuninut qaqugu nuunneqarsinnaanera Naalakkersuisunit qanoq pilersaarutigineqarpat ?
7. Naalakkersuisut sanaartornermi nakkutilliineq pillugu allannguissamik pilersaaruteqarpat ? taamaattoqarsimappallu suut pilersaarutaappat ?
8. Inissiatuqqanik iluarsaassineq qanoq tullerriarneqarpat ? aamma pilersaarutit qanoq isikkoqarpat ?
9. ilaqtariit inuillu ataasiakkaat inigisaminniit anisitaasimasut pillugit kisitsisit kingullerpaat qanoq isikkoqarpat ?

(Inatsisartunut ilaasortaq, Anthon Frederiksen, Partii Naleraq)

## **Tunngavilersuut:**

Ajoraluartumik takujuarparput ineqartut inigisamik iluarsaanneqartannginnerat naammagittaalliutigiuaraat, naak ineqarnermut akiliutit qaffakkaluttuinnaraluartut.

Taamaammatt soqutiginarpoq paasissallugu ineqarnikkut ineriartornermi pissutsit qanoq ittuunersut amma siunissami ineqarnikkut qanoq iliortoqarumaarnissaanik pilersaaruteqartoqarnersoq aamma kommuninik aaqqissuusseqqinnermut atatillugu inissianik A/S INI-ip aqutsinerata kommuninut nuuteqqinneqarnissaanik eqqartuisimanerup piviusunngortinneqarsinnaanera qanoq pilersaaruteqarfigineqarnersoq ?

Taamaamat aamma soqutiginarpoq paasissallugu, inissiatooqqanik iluarsaassineq piffimmi qaninnerpaami qanoq pilersaaruteqarfigineqarnersoq aamma tassunga aningaaliissutissat ilanngullugit.

Ineqartut qanoq sunniuteqaqataasinnaappat, aaliangeeqartaasinnaaneq akisussaaqataanerlu eqqarsaatigalugit ?

/Ilisimaneqarpoq sanaartornermi nakkutilliineq pillugu naammagittaalliuteqartarnek, minnerunngitsumik oquk eqqartorneqartillugu, taamaattumik aamma soqutiginarpoq paasissallugu Naalakkersuisut sanaartornermi nakkutilliineq pillugu malittarisassanik allanngortitsiniarnersut ?

Aamma nalunngilarput ineqarnek pillugu peqqussut qularnanngitsumik inatsisartut upernaakkut 2017-imi allanngortinneqassasoq, tassami inatsisartuni ataatsimiinnermi kingullermi amerlanerussuteqartut aaliangermata, atorfirmut atatillugu inigisat ukiut tallimat najoreersimagaanni naliginnaasumik attartornerup ataani suliffimmut attuumassuteqangitsumik attartorneqarsinnaalissasut.

Maannamut paasisat naapertorlugit Peqqinnissaqarfimmut atatillugu atorfillit tassani inigisaat maanna aaliangersakkat naapertorlugit ukiut arfineq marluk qaangiunneranni inigisaq naliginnaasumik attartukkatut tiguneqarsinnaanngitsoq iluoornersoq soorunami aamma paasissallugu soqutiginarpoq ?

Aamma ajoraluartumik ilisimaneqarpoq inigisamiit anisitaanerit pitsaanngitsup tungaanut allannguuteqartartut, taamaattumik piffissaq kingullerpaaq tikillugu taakku qanoq isikkoqarnersut paasissallugit soqutiginarujussuupput.

Ullut suliffiit qulit qaangiutinnginnerani akineqarnissara kissaatingaara.